

# DISEKERETE TŠEO DI SEGO MOLAONG TŠA BOLENG BJA R18 MILLION DI TLO PŠHATLAGANYWA

**Cape Town, 8 Aprele 2021** – Dikgoro tše mmalwa tša mmušo tšeo di lwago kgatlhanong le tlišogae le kišontle di tlo pšhatlaganya disekerete tše 12 million tšeo di sego molaong tša boleng bja mmaraka wa R18 million ka Cape Town ka Labohlano la 9 Aprele 2021.

Go pšhatlaganya go tlo thoma ka 8am ka State Warehouse, yeo e lego ka nomoro 9 FW de Klerk Boulevard, Cape Town Foreshore.

Disekerete di tlo šilwa lefelong leo, go lebeletšwe ditatelelo tša melawana ya maphelo le polokego. Ditšhila di tlo fetišwa ka lepanta la tshepetšo leo le kgethegilego go ya ka llonging gomme tša tlošwa ka fase ga tlhokomelo go mokoti wa go šireletšwa.

Disekerete tšeo di sego molaong di ile tša swarwa ka ditshepetšo tša go fapafapana, go akaretša go swarwa ga setšhelo sa dikgato tše 40 seo se mokotšwego ka nageng gomme sa laodišwa ka maaka bjale ka sedirišwa.

Go swara dilo tšeo di sego molaong tša tlišogae le kišontle ke tsepelelo e kgolo kudu ya mmušo ka fase ga tlhokomedišo ya *Inter-Agency Working Group (IAWG)* go Kgwebo yeo e sego Molaong, yeo e tlhomilwego ka dikgoro tše mmalwa tša mmušo le diagente.

IAWG e tsepeletše go diaparo tšeo di sego molaong, dilogwa, dieta, matlalo, ditlhakgarakga tšeo di rekišwago bjale ka ditšhipi tša sekerepe, gammogo le difatanaga tša go dirišwa labobedi.

Go pšhatlaganya ga dithoto tšeo di sego molaong go swanetše go romela molaetša wa bogale gore mmušo o tlhomile motlhako wa go se kgotlelele kgwebo yeo e sego molaong le go tsebiša setšhaba ka ga go tshenyo yeo dithoto tšeo di e dirago mo go ekonomi ya rena le maphelo a batho ba rena. Ditiragalo tšeo di sego molaong di senya bokgoni bja ditšweletšwa, bjo bo fetšago bo lebiša go tlhokego ya mošomo, go tlhoka tekatekano le bodidi. Tlišogae le kišontle yeo e sego molaong ke mothopo wa go dira tšhelete wa bosenyi bja digongwana.

Ntwa kgatlhanong le phedišo ya tlišogae le kišontle yeo e sego molaong e tloga e le bohlokwa ka lebaka la gore e thuša koketšo ya palo ya ditseno tšeo SARS e di kolekago.

Ditseno tšeo di kgobokeditšwego di raloka karolo e kgolo kudu ka go kgontšha mmušo go aga mmušo wa go kgona go fana ka ditirelo tša motheo bo bahloki le batho bao ba šaparegilego le malapa, ga mmogo le kimollo go bengmešomo le bašomi ka nako ya leuba la Covid-19.